



Adresa: Ul. Hamdije Čemerića 39a
71000 Sarajevo
<http://www.voda.ba>

tel. +387 33 726 400;
fax. +387 33 726 423
e – mail: info@voda.ba

Broj: 10-466-18/14

Datum: 14.05.2014. godine

Na osnovu člana 22. stav 1. i 2. i člana 31. stav 5. Uredbe o vrstama i sadržaju planova zaštite od štetnog djelovanja voda (Službene novine Federacije BiH br: 26/09), Glavni rukovodilac odbrane od poplava na vodnom području rijeke Save- Direktor "Agencije za vodno područje rijeke Save" Sarajevo (u daljem tekstu Agencije), donosi

ODLUKU

o uvođenju dežurstva u informacionom sistemu voda (ISV)

Član 1.

Uvodi se stalno dežurstvo u Informacionom sistemu voda-ISV AVP Sava Sarajevo u trajanju od 15:30 do 7:30 sati radnim danima, a u dane vikenda od 00:00 do 24:00 sata. Dežurstvo će se provoditi dok vodostaji na vodotocima na cjelokupnom vodnom području rijeke Save budu u opadanju i bez naznaka novih padavina.

Član 2.

Dežurstvo će biti dokumentovano upisom u knjigu dežurstava posebno formiranu za te potrebe (forma knjige dežurstava definisana u Aneksu 1 ove Odluke). Dežurstva vrše uposlenici AVP Sava po rasporedu sačinjenim od strane Rukovodioca sektora za upravljanje vodama (Tabela sa rasporedom dežurstava data u Aneksu 2 ove Odluke), a odobrenog od strane Direktora Agencije.

Član 3.

U toku trajanja dežurstva kontinuirano se prate nivoi na vodomjernim stanicama (VS- specificirane u Aneksu 3 ove Odluke) koje su pod ingerencijom Agencije kao i VS koje su reperne za praćenje stanja voda za poplavna područja Odžačke i Srednje Posavine (web stranica Hrvatskih voda www.vode.hr). O Uočenom trendu promjene nivoa se putem kraćeg izvještaja dostavlja se Ministarstvu sigurnosti BiH, Federalnom ministarstvu poljoprivrede vodoprivrede i šumarstva (FMPVŠ), Hidrometerološkom zavodu (HMZ) i Federalnoj upravi civilne zaštite (FUCZ). U izvještajima se navode satni podaci sa VS definisanih FOP-om.

Član 4.

Nakon što trend vodostaja na cjelokupnom vodnom području rijeke Save bude u opadanju i bez naznaka novih padavina, Rukovodilac sektora za upravljanje vodama predlaže, a Direktor Agencije donosi odluku o prestanku dežurstava što se evidentira u knjigu dežurstava.

Član 5.

Plaćanje prekovremenog rada uposlenika Agencije proisteklog na osnovu provođenja ove Odluke, koji će biti utvrđivan na osnovu knjige dežurstva u kojoj će se upisivati trajanje dežurstava pojednih uposlenika vršiće se u skladu sa Prvilnikom o radu AVP Sava.

Član 6.

Ova Odluka stupa na snagu danom donošenja.

 Direktor: *[Signature]*
Sejad Delić, dipl.inž.

Dostaviti:

- Sektoru za upravljanje vodama
- Sektoru za ekonomske, pravne, kadrovske i opšte poslove
- ☺ na oglasnu ploču
- a/a